

آبونه اولمق ایستینلردا اثره عدلیه ده
اداره مخصوصه سنه مراجعت
ایتملیدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

کتابخانه

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توضیحات

دیاربکر و معموره العزیز ولایتلری عدلیه مفتشلیکی
خداوندکار ولایتی مرکز بدایت محکمه سی مدعی عمومی
معاونی رفعتلو قهریل افندی به

ارضروم و سیواس ولایتلری عدلیه مفتشلیکی
بیروت و سوریه ولایتلری عدلیه مفتش معاونی عزتلو
میخائیل لطیف افندی به

بیروت و سوریه ولایتلری عدلیه مفتش معاونلکی
دده اغاج سنجانی بدایت محکمه سی مدعی عمومی معاونی
قتوللو آرطور افندی به

سنیچه سنجانی بدایت محکمه سی جزا دأره سی
ریاستی قره سی سنجانی بدایت محکمه سی مدعی
عمومی معاونی رفعتلو اسماعیل نجیب افندی به

قره سی سنجانی بدایت محکمه سی مدعی عمومی
معاونلکی سنیچه سنجانی بدایت محکمه سی مدعی
عمومی معاونی قوتلو مصطفی حسینی افندی به

سنیچه سنجانی بدایت محکمه سی مدعی عمومی
معاونلکی کوریجه سنجانی بدایت محکمه سی مدعی
عمومی معاون سابق قوتلو حسین افندی به تفویض

بیورلمش و مومی الیهمدن قهریل و اسماعیل نجیب و حسین
افندیلر ذاتاً بحلف اولدینی کی دیگرلرینک ده بوکره
اجرای تحلیقلری محالرینه تبلیغ و انبا قلمشدر.

نشان

در سعادت محکمه استیناف اعضا سندن فضیلتلو
حافظ طاهر افندی حضر تلرینه تبدیلاً ایکنجی رتبه دن
مجیدی نشان ذیشانی احسان بیورلمشدر.

تبلیغات

محکمه به ابراز اولنان اوراقدن برینک بوله تابع

و یا نقصان پولی حاوی اولدینی حقنده اعضای محکمه دن
بری طرفندن اعطای رأی اولدینی صورتده
محکمه جه بوکا برقرار ویرلمک لازم کلوب کلیه جکی
استفسارینه دأر حلب ولایتی استیناف محکمه سی مدعی
عمومی لکندن وارد اولان تحریرات اوزرینه ، رسم تمغا
قانوننک یکرمی بشنجی ماده سنده اعضای محکمه جزای
نقدی حکمیه مکلف اولوب اولباده کی وظیفه
قانونیه لرینی ایفا ایتمدکری تقدیرده کندولرینک دخی
محکوم ایدیه جکی مسطور اولسنه نظراً ابراز اولنان
پوله تابع برورقه نک پولسز اولدینی و یا نقصان پول
الصاق اولدینی رأینده بولنان اعضانک، جزای نقدی
لازم کلیه جکی رأینده بولنان هیئت باقیه ایله بالاشترک
معامله اجرا ایتسی رأینه مخالف اوله جنی کی بورایک
موافق قانون اوله بیلیمسی احتماله نظراً ایلروده
متضرر اولمسی دخی ملحوظ بولندیغندن اعضای
محکمه دن برینک بویه بر رأی و ذهابده بولنوبده
هیئت باقیه نک رأی مذکوره اشتراک ایلمدکری
صورتده جزای نقدی استیفاسی لازم کلیه جکجه دأر
اکثریت آرائی متضمن اتخاذ قله جق قرارده اول
اعضانک رأی مخالفتی محافظه ایتسی لازم کله جکی
انجمن عدلیه افاده سیله عدلیه نظارت جلیله سندن جواباً
ذکر اولنان مدعی عمومی لکه بیلدرلمشدر.

قواله قضاسنک نأبلی قریه سی اهالیسندن طوقه
مؤمن و زوجیه حوریه خاتونک محترق اولان صما
نقللرینک بدل مقدری اولان بیک درت یوزغروشک
قریه مرقومه اهالیسندن تضمین و تحصیل حقنده
اعطا قلنان اعلامک حاوی اولدینی مبلغه و عموم قریه
اهالیسنک اکثرته نظراً افراد اهالی حصدرینه اصابت
ایده جک جزئی المقدار بر مبلغ ایچون هربری حقنده
آرو آرو و حبس و حجز کی احکام قانونیه نک
تطبیق و اجرایی غیر قابل بولندیغندن بحثله عموم قریه
اهالیسنه اضافه مبالغ محکوم بهک هیئت اختیاریه دن
تحصیل جائز اولوب اولدینی استفسارینه دأرسلانیک
ولایتی استیناف محکمه سی مدعی عمومی لکندن وارد

اولان تحریرات اوزرینه ، قریه اهالیسندن تحصیلنه
حکم اولنان اچمه محترق اولان صمانقللرک فاعلی مجهول
اولسندن طولانی قسامه صورته اهلیدن تضمینی
لازم کلان بر مبالغدن عبارت اولوب قسامه تحصیل
اولنه جق مبالغک ایسه حصه لری نسبتده افراد
اهالی به توزیعی احکام قانونیه اقتضاسندن بولمغله
برینک دیگر حصه سنه اصابت ایده جک بدل تضمین
ایله مؤاخذه سی حکم قانونه و محکوم بهک منفرداً
و منقسماً اهالیدن تحصیلی حکمنی متضمن اولان
مندرجات اعلامه مخالف اوله جغندن قریه مرقومه
هیئت اختیاریه سنک حصه مصیبه لرندن زیاده بدل
تضمینات ایله مؤاخذه سی جائز اولدینی انجمن عدلیه
افاده سیله عدلیه نظارت جلیله سندن جواباً ذکر
اولنان مدعی عمومی لکه تبلیغ و ازار قلمشدر.

۱۰۸ نومرولی نسخه ده مندرج تعلیماتک

بقیه سی :

اون برنجی ماده — قضا محکمه سی برنجی
کاتبلری تحصیلدارلریله برلکده هر ماه وقوعبولان
تحصیلاتک مقداری حاوی « نومرولی نمونه به
توفیقاً اوایک نهایتده مفردات وجهله بر قطعه دفتر
تنظیم و تختیم ایله زیرینی رئیس محکمه به تصدیق ایتدیر
دکدن صکره تحصیلات واقعه ده حصه عائدات اولمق
اوزره محسندده افراز و توقیف اولمسی لازم کلان
مقداردن ماعداسنک یدنجی ماده ده کوستریلان عائدات
سندیله برلکده ونهایت بش کون ظرفنده اجرا
مأمورلرینه ارسال ایده جکلردر.

اون ایکنجی ماده — مرکز ولایت ولوا اجرا
مأمورلری کرک مرکزجه تحصیل ایدیلان کرک
قضالردن ارسال اولنان مبالغک عمومی ایچون بر
ارسالیه پوصله سی تنظیم ایدرک مبالغ مذکوریه نهایت
بش کون ظرفنده تقدراً نظارت مشار الیه به تسیر
واشبو ارسالیه پوصله سنک صورت مصدقه سنه
محللرندن کلان جداول شهریه ایله مربوطاتی ربط
ایله نهایت اوچ کون ظرفنده مدعی عمومی معاونلرینه

اعطای مدعی عمومی معاونری دخی اون دردنجی ماده ده کوستریان تطبیقاتی اجرا و نهایت بر هفته قدر نظارت مشار الیه اید جکلر در .

اون اوچنجی ماده — حاصلات واقعه آئی غایه سیه قدر ولایت ولوالده اجرا مأمورلرینک وقضالده برنجی کاتبیرلرک نزدنده حفظ اوله جغندن بونک ضیاعندن دولای کندولری ضامن اوله جقلری و اونجی ماده ده تعیین اولتان مدت ظرفده ارسالی تأخر ایتمسندن دولای مسئول طوتیه جقلری کی اجرا مأمورلری اون ایکنجی ماده ده معین مدت ظرفده ارسالاتک تأخرندن و مدعی عمومی معاونری دخی اون دردنجی ماده ده کوستریان تطبیقات و معاملاتک عدم ایفاسندن ناشی مسئول ایدیه جکلر در .

اون دردنجی ماده — مدعی عمومی معاونری کندولرینه بدایه ویریلان و بعدما هراتی آید بر کره ویریه جک اولان اساس دفترلرله هر ماه نهایتده کلان شهریه جدوللری مندرجاتیه تدقیقات و تطبیقات اجرا ایدرک تحصیل اولندینی آکلاشیلان مبالغک اسباب تأخر تحصیلی محارندن سؤال و محارنجه متع التحصیل حکمنده کوستریان و محکوم علیهمک سعه حاللرینه تعلیق قلنان مبالغک حقیقه تحصیل قابل اوله مامسی کیفیت دایر مأمورین تحصیلیه دن اوراق مثبت طلب ایتمکله برابر بوباید مسامحه و رخاوت وقوعه یقین حاصل ایلدیکی تقدیرده لازم کلانله اخطارات اجراسنه و تعقیب و تسریع تحصیلاته متعلق تدابیر لازمه بی اتخاذ و اولاباید نظارت مشارالیه بیدرپی معلومات اعطاسنه مجبوردرلر .

اون بشنجی ماده — ماده سالفده ذکر اولتان رخاوت و مسامحه و وقوعدن دولای مدعی عمومی معاونری طرفندن اخطارات و تنبیهاست لازمه اجرا اولندینی حالده اصفا ایتموبده یه رخاوت و بطااست وقوعه کتورن مأمورین تحصیلیه نک محل انجمن عدلیه سی قراریه برنجی دفعه سنده نصف و ایکنجی سنده تام اوله رق عائداتلری قطع ایدیلور و اوچنجی سنده کندیلری عزل و تبدیل اولور .

اون التنجی ماده — اجرا مأمورلری تنظیم اید جکلری ارسالیه بوسهلرینک پوسته ایه و مبالغ مستحصله بی دخی یه اولصورته و یاخود صاعلام بولیجه ایه عدلیه نظارت جلیله سیه ارسال اید جکلر و پوسته حواله نامه سی اعطای جاری اولان برارده حواله نامه بی بقایا تحصیلاتی اولدینی درج ایتمدر .

اون بدنجی ماده — ولایت ولواله بدایت محکمه لری باش کاتبلری دائره اجرادن کلان شهریه جدوللرله

محارنجه ترقین قیود معاملات ایفا اولنه جقدر .

فی ۲۱ جادی الاخره سنه ۱۳۲۰ وفی ۱۱ ایلول سنه ۱۳۱۸

محاکمات قضاة

بر منع محاکمه قرارى حقه ردی متضمن اوله رق محکمه تمیز استدعادره سندن تنظیم واعطاقنان اعلامدر :

احراق ماده سندن طولانی مظنون علیه اولان حاجی علی بکک منع محاکمه سیه دائر مستنطق طرفندن ویریلان قرارک تصدیقه دائر ارضروم ولایتی هیئت اتهامیه سندن صادر اولوب ۱۲ کانون ثانی سنه ۱۳۱۷ تاریخده تبلیغ اولتان مضطمانک تمیزی مستدی مدعی شخصی ملکیت و واهان و همچار طرفلرندن مشترکاً ویریلان ۱۵ کانون ثانی سنه ۱۳۱۷ تاریخلی استدعا و منفرعاتی ۳۱ اغستوس سنه ۱۳۱۸ تاریخده باش مدعی عمومی ملکیت مأموریت بهیه سندن محکمه تمیز استدعا دائره سیه تبلیغ اولتغله لدی التدقیق هیئت اتهامیه دن صادر اولان بومثللو جانیندن متولد منع محاکمه قرارلری دلائل جدیده ظهوریه معلق اولوب احکام قطعیه دن اولمادیفندن مذکور استدعاک ردیه و شرائط تمیزی جه سندن اوله رق ویریلان اون بش لیرا جزای تقدیرک ایراد قیدیه اعلام خرجی اولان یوز غروشک مستدعیلر دن بشقه جه بالتحصیل عدلیه وزنه سنه تسلیسه ۲ ایلول سنه ۱۳۱۸ تاریخده اکثریتله قرار ویرلیدی .

۱۰۸ نومرو لی نسخه ده مندرج بولنان جنایت محکمه سی اعلامنک بقیه سی :

تفصیلات مسروده دن مستفاد اولدینی وجهله متهم شوکنک طنائی بیحاق ایه تهدیده قیام وطاش ایه جرح و ایلام و عریه بی کاملی برای سرعت قتل و اعدام ایلدیکی ادعاسیه اتهام اولنسنه قارشو طنائی تهدید و جرح ایتمدیکنی و کاملی مدافعه و محافظه عرض ضمنده قتل ایلدیکنی باد و وکیل مدافع محمود رفیق بک دخی تهدید و جرح و سرعت مسئله لرنده موکلنک براتی و قتل ماده سندن طولانی دخی معافیتی لازم کله چی بولنده برطاق دلائل ایراد ایلملرندن ناشی جریان ایدن مذاکره ده طرفینک ادعا و مدافعانی و بالجه اوراق تحقیقه مندرجاتی خلاصه و تدقیق اولندوقده محکمه جه اجرا ایدیلان کشفیاتن و اظهار حقه مدار اولقی اوزره استماع قلنان طاقونیه بی

حسنی و بکر بن مصطفی ایه حقوق عمومییه شاهدلرندن نوریه طرفلرندن و قوعیولان اخباراتن مقتلن استمداد قابل اولدیفنک درجه تحقیقه وارمسنه و مقتول کاملک باشنده بر عدد بره و صیریق و اوچی سیوری بر آلت قاطعه ایه حصوله کلش صول عظم کتبی اوزرنده اوج وصول بازوسنده بر و صدرنده بر و صاغ بازوسنده ایکی و صاغ غنذده بر و بطلنک صول ناحیه مراقبه سی اوزرنده و معدنک اوزرنده برکه جماعاً اون عدد جرحه اولوب بطنده کی جرحه نافذه دن متأراً وفات ایتمدیکی طیب راپورنده مندرج اولسنه نظراً بونجه جراحاک بر آدم طرفندن ایقاع اوله میه جنی ذهابده بولنیله رق اولاباید اجرا قلان تعمیقانده متهمک شریکی اولدیفنه دائر شمدیلک دلائل جدیده استحصال قلنه مامسی مقتولک کشفنده یعنی اوموزی جهتنده واقع کورکنده و اولغنده جرحیه اولسی لغته باصدیریه رق جرح ایدلش اولدیفنی و متهمک بر دفعه بیحاق استعمال ایتمدر دیمسی بوقدر جروحانه قارشو تأویلاتک غیر صحیح بولندیفنی مشعر اولسنه و طنائی جرح و تهدید ایتمدیکی و طنائشک جرحیه سنک اون ایکی کونده التمش غروش اجرت ایه التیام ایلدیکی مع القسم استماع اولتان عریه بی مصطفی و ابراهیم و میخانه بی آندریقونک شهادتیه اولابایدکی طیب راپوری و ضابطه عدلیه تقریری مندرجانندن اکلاشلمسنه و متهم مرقومک فعل قتل محافظه عرض و مدافعه ضمنده وقوعه کتیردیکنه دائر اولان ادعاسیه وکیل مومی الیهک مدافعاتنه نقل کلام ایدلدهکه مادامک بر موجب کشف و اخبار مقتله بک جوار قومشولر وار و سناء علیه استمداد اولنه بیله جکی درکار ایکن اصلا سنی بیله جبقار مامسنه و شوالده مکانه جیره غیر مساعد و کاملک پهوان اولمسیه برابر سکر حالده بولنسی بالکس بر دیزه باصدیرلرلینی حقه دنکی دلیلی مؤید کورنسنه و فعل قتلک دهشتندن شایره رق متهمک بیحاقی مقتله ترک ایتمش اوله جنی وارد اولدینی بدیهی و مقتول کاملک متهم شوکنه علاقیه سی بولندیفنک ضابطه عدلیه تقریرنده مندرج اولسی عندالحاکه ثابت اولان حقیقتی تغییر اید جک سببی غیر مولد و مقتوله قرابتی بولنان شاهدلرک سرقه دائر اولان افاده لری محکمه جه استعمال اولنیوب قله متعلق اولان افاده لری ایسه اخبارات و احوال سائرده مؤید اولسنه و مقتولدهکی جرحه لری بالکس معدوی اولنیوب متعدد محله ده بولندیفندن فعل قتلک مشروعبی دکل بالکس تهور ایه ایقاع و مقتله بشقه بیحاق بولنامسی و بویجاغک مقتولک یدینه کدیکنی متهمک سولنامسی و قتالک و قوعی عقبنده حکومته مراجعتله اخبار کیفیت و کندوسنک معاینه ایتمدرلرلر

مسارعت ایتمامسی خانه سنده طوتله قدنصکره وجودنده کورلش اولان جزئی یاره لک کندی اختراع ایتمدیکنی تضمن ایلمسنه مبنی متهم مرقومک تأویلاتی و وکیل مومی الیهک اسباب مسروده بی قارشو اولان بالجه مدافعانی غیر مقبول کوریه لک متهم شوکنک اوچیز اون یدی سنه سی اغستوسنک ایکنجی بازار کیجه سی صاری یارده معدن محله سنده کاش خانه سنده عریه بی کاملی بیحاقله جرح و قتل ایلدیکی سنه مرقومه تموزینک یکری بدنجی کیجه سی دخی طنائی میخانه ده سلاح ایه تهدید و طنائش ایه جرح ایتمش ایدوکی اخبارات و دلائل و قرائن قاطعه ایه ثابت اولوب ایحق قتل مذکورک سرعت مقصدیه ایقاع ایلدیکی اکلاشله مدیفندن مرقوم شوکنک تهدید و جرح و اسباب مجهوله دن طولانی و بالتهور قتل فعللرینک فاعلی اولقی اوزره مجرمیتله قتل فعلنک شوبنده اتفاق و نوعنده اکثریت ثلثان آرا ایه و تهدید و جرح فعللری حقه ده اتفاقله قرار ویریه لک محاکمه اوطه سیه عودنه اشو قرار علناً قرائت اولندوقده معاون مومی ایه مجرم شوکنک اعظم جرمی اولان قتل فعلندن طولانی قانون جزانک یوز یتیش دردنجی ماده سنک فقره اولاسنه توفیقاً تحدید جزائی طاب و ادعا و مدعیه شخصی فاطمه خانم ایه وکیل مومی ایه و متهم مرقوم بشقه دبه جکاری اولدیفنی انبا الیملرله بوجیت حقه دنکی محاکمه نک اختتامی بالافهام تکرار مذاکره اوطه سیه کیدلیدی .

جهت جزائییه حقه ده دخی مذاکره کیفیت اولندوقده مجرمیتی تحت حکمه التان شوکنک مرتکب اعظم جرمی اولان قتل فعلی جزا قانوننامه هایوننک یوز یتیش دردنجی ماده سنک فقره اولاسنه موافق و فقره مذکورده (بر کیسه من غیر تعدد رشخصی اتلاف ایتمش ایسه اون بش سنه مدله کورک وضع اولنور) عبارته سی ناطق اولدیفندن بوقدره حکمنه توفیقاً و ابتدای توقینی اولان اوچیز اون طقوز سنه سی جادی الاولاسنک اون دردنجی کونسندن اعتباراً اون بش سنه مدله کورک قوتلنسنه و مصارف محاکمه اولان جماعاً یوز التمش غروشک کندوسندن بالتحصیل عدلیه وزنه سیه تسلیم ایتمدرلرلر اوچیز اون یدی سنه سی شباطنک یکرمنجی کونی متفقاً قرار ویریه لک اصول فقهی ایفا قلندیدی .

بیک اوچیز اون یدی سنه سی تشرین اولنک بشنجی جمعه ایرتسی کیجه سی غلظه ده قفسی زقاعنده یونانی کرباقونک میخانه سنده قا ایه و قتل قصدیه اسعد و محمد علی و قدرینی جرح ایلدیکی و بوللردن اسعدک جرح مذکورندن ناشی وفات ایتمدیکی ادعاسیه متهم بولنان ایرانی عباس حقه ده جریان ایدن محاکمه

نتیجه سنده مرقومک مذکور جرح فعللرینه اجتساری شاهدلرک علی الدرجات وقوع بولان شهاداتی و معاینه راپورلری مندرجاتی و دلائل سائرله ایه ثابت اولوب ایحق مذکور راپورلر مندرجانه نظراً اسعدک جرح مذکورندن متأراً وفات ایتمدیکی اکلاشله مدیفندن مرقوم عباسک قتل قصدیه مذکور جرح فعللرینک فاعل و مرتکبی اولقی اوزره مجرمیتله و قانون جزانک یوز سکسانجی ماده سیه توفیقاً اوج کتبی جرح ایتمش حقه ده سبب شدت طوتیه رق طقوز سنه مدله کورک قوتلنسنه محاکمه جناجیه قرار ویرلشدر .

کریدلی مصطفی ابن علینک ایوبده اسلام بک محله سنده ساکن فسخانه عمله سندن علی اقدی بی جرح ایلدیکی ثابت اولدیفندن بر هفته حسنه یکدیکنی ضرب ایتمکری ثابت اولان قبان دقایقه تیه باشنده ساکنه صافیه خانمک بر هفته و مرکز قومیسرلکنده مستخدم پولیس حسن اقدینک دخی اون کون مدله خیابارینه درسعادت بدایت محکمه سی جزا دائره سیه حکم اولمشدر .

محاکمات انبیا

مدیات قضایی بدایت محکمه سی اعضاسندن اولوب مستنطقک وظیفه سی ایفا ایدن و مواد معینه ده خلاف اصول و قانون معاملات جه جرائندن طولانی محاکمه آتیه آلتغله عزل ایدلش اولان حاجی عثمان فائق اقدینک قتل ماده سیه متعلق بر دعوای مرور زمانه اوغراندینی و وظیفه مأموره سیه متعلق اولیان سائر جرائم قانونیه بی دخی جرات ایلدیکی اولاباید دیار بکرولاتی استیفاف محکمه سی مدعی عمومیلکنندن کوندیریلان اوراق تحقیقه مندرجانندن اکلاشله جه بوجهندن طولانیله اجرای محاکمه سیه عدلیه نظارت جلیله سندن مأذونیت ویریه لک مذکور مدعی عمومیلک تبلیغات مقضیه اجرا ایدلشدر .

اعلانات

ار ضرور استیفاف محکمه سی مدعی عمومیلکننده :
قره کلیسا قضاسنه تابع بلوکاش فریه لی مصطفی اوغلی ایوبک کیفیت قتلندن طولانی مظنون بولنان قضای مزوره مربوط شکو فریه لی حاجینک اوغلی حسو و کلنک اوغلی حسو و سیلو اوغلی موسانک فعل مذکورده مجاسرتله فرار ایتمکری اولابایدکی

اوراق تحقیقه مآلندن اکلاشلمش وحرکات واقعہ لری قانون جزانک ۱۷۴ و ۱۷۵ نجی مادہ لری احکامی مستلزم افعال جنائیہ دن اولہرق یازید سنجاجی بدایت محکمہ سی جزادائرہ سندہ محاکمہ لری اجرا قلنمق اوزرہ جانیلہ اتہاملرینہ قرار ویرلمش اولدیغندن مرقومونک ہر زردہ کوریلورلرایسہ دردست ایلہ محکمہ مذکورہ توقیفخانہ سنہ تسلیم ایدملری لازمکملہ۔ جکی بالجلہ ضابطہ عدلیہ مأمورلرینک معلومی اولق اوزرہ اشبو اخذ وکرفت مذکرہ سی ارضروم ولایتی ہیئت اتہامیہ سندن بالتظیم اعطا قلندی۔

کبی قضاسنک خوجی قریہ سندن ارسلانی قتل ورفقاسنک حیواناتی غصب ایللرندن طولای مظنون بولتان عن اصل پلومر قضاسنک قوزلیجہ قریہ سندن اولوب ارزنجانک خسرتفری قریہ سندہ اقامت ایدن خیل اغا اوغللری کل و پاشانک افعال مذکورہ یہ مجاسرتلہ فرار ایتدکلری اولبابدہ کی اوراق تحقیقه مآلندن اکلاشلمش وحرکت واقعہ لری قانون جزانک ۱۷۰ نجی مادہ سی حکمی مستلزم افعال جنائیہ دن اولہرق ارزنجان بدایت محکمہ سی جزا دائرہ سندہ محاکمہ لری اجرا قلنمق اوزرہ جانیلہ اتہاملرینہ قرار ویرلمش اولدیغندن مرقومانک ہر زردہ کوریلورلرایسہ دردست ایلہ محکمہ مذکورہ توقیفخانہ سنہ تسلیم ایدملری لازمکملہ جکی بالجلہ ضابطہ عدلیہ مأمورلرینک معلومی اولق اوزرہ اشبو اخذ وکرفت مذکرہ سی ارضروم ہیئت اتہامیہ سندن بالتظیم اعطا قلندی۔

در سعادت بدایت محکمہ سی ایکنجی مقوقہ دائرہ سندہ :

غلطہ طویجیلر جادہ سندہ اوتوز بش نومرولی دکاندہ ساکن سودجی قسطی ولد خرسو در سعادت بدایت محکمہ سی ایکنجی حقوق دائرہ سی قراریلہ یدی قلدہ تیمور خون جادہ سندہ قرق التی وقرق سکنز نومرولی دکاندہ مقیم ایکن الیوم محل اقامتی مجهول بولنان ناک سوطریو ذمتندہ برقطہ سند موجبنجہ الہجنی اولان یوزاون ویدل ایجاردن مظلومی بولنان یکریمی کہ جمعاً یوز اوتوز لیرانک تأمین استیفاسی ضمنندہ مذکور قرق التی وقرق سکنز نومرولی دکان ملکی ایلہ درونندہ کی بربر کدکنک نصف حصہ شایعہ سی اوزرینہ حجز وضع ایتدیرمش وبالاخرہ دائرہ مزبورہ ویرمش اولدیغنی تصدیق حجز استدعاسندہ عائدتی جہتیلہ یوز اون لیرا حقندہ تجارت محکمہ سنہ مراجعت ایلدیکندن بدل ایجاردن ارادیغنی یکریمی لیرا ایلہ ذکر اولنان دکانک تعمیرینہ صرف ایلدیکی یکریمی بش کہ جمعاً قرق بش لیرا الہجنک مرقوم ناکیدن

مع فائض ومصارف حجزیہ ومحاکمہ واجرت وکات وجزای نقدی تحصیاتی وبوبادہ اولجہ وضع ایتدیردیکی حجزک تصدیقنی طاب ایلش وخصوص مذکورحقندہ محاکمہ اجراسی ضمنندہ شهر حال رومینک یکریمی برنجی کونی ایچون یوم محاکمہ تعیین ایدیلہ رک دعوتیہ پوصلہ سی اصول محاکمہ حقوقیہ قانونک یکریمی التنجی مادہ سنک فقرہ اخیرہ سی منطوقجہ محکمہ دیوانخانہ سنہ تعلیق قلندیغنی کبی کیفیتک غزتہ ایلہ ده اعلانہ ابتدار قلندی۔

تجارت بحریہ محکمہ سندہ :

حطب قپوسندہ ساکن مفلس اوننجی نیقولی عرب اوغلی ذمتندہ الاجغنی اثبات ویا موقتاً قبول وقید ایتدیرمش اولان الاجلیلرک قانوننامہ تجارتک ایکویوز اون برنجی وانی ولی ایدن مادہ سی موجبنجہ مفلس مرقوم طرفندن تکلیف اولہ حق قونقور۔ داتونک مذاکرہ سیچون اشبو تشرین اولک اون طقوزنجی جمعہ ایرتسی کونی ساعت یدی رادہ لرنده محکمہ تجارت بحریہ نک افلاس اوطہ سنہ کللری اعلان اولنور۔

ایکنجی تجارت محکمہ سندہ :

در سعادتندہ شایجی خانندہ ساکن تجارتدن خرملیدی وشراکسنک ۱۲ تشرین اول سنہ ۳۱۸ تاریخندن اعتباراً اعلان افلاسنہ ومصالح افلاسیہ نک رؤیت وتسویہ سی ضمنندہ اعضای محکمہ دن سعادتلو جمیل بکک ژوژ قومیسر ودعوی وکیللرندن عزتلو خریسانطوس طومایسیدیس وحسن پرتو افندیلرک موقت سنک تعینلرینہ ومغازسیلہ اشیای زائدہ بیتہ سنک تمہیرینہ واوراق ودفاترینک جلبہ وکفالت ارانہ ایدہ مدیکی تقدیردہ توقیفنہ وبوبادہ کی قرارک موقتاً اجراسنہ ایکنجی تجارت محکمہ سندن قرار ویرلمش اولدیغندن قانوننامہ تجارتک ۱۷۰ نجی مادہ سی موجبنجہ دائمی سنندیکلر انتخاب اولنق اوزرہ ۳۱۸ سنہ سی تشرین اولک یکریمی التنجی جمعہ ایرتسی کونی ساعت یدی رادہ لرنده اصحاب مطلوبک محکمہ مذکورہ نک افلاس اوطہ سنہ کللری اعلان اولنور۔

در سعادتندہ سرکہجی جوارندہ استاسیون قارشو۔ سندہ کی غازیونده ساکن ایکن ایکنجی محکمہ تجارتدن افلاسنہ حکم اولنش اولان تجارتدن حرملبو قومینو وشراکسی مانول وارستودہ لی قومینونک خصوصات افلاسیہ سنک رؤیت وتسویہ سی ضمنندہ دعوی وکیللرندن ظریف اوغلی فوطاکی ویموسستہ نی

یوردانیدس افندیلر اصالة سنندیک تعیین قلنمش اولدقلرندن مفلس مرقوم ذمتندہ الہجنی اولنلرک قانوننامہ تجارتک ۱۹۹ و ۲۰۰ نجی مادہ لری موجبنجہ تحقیق دیون ایچون تاریخ اعلاندن اعتباراً یکریمی برکون ظرفندن سنداتی محکمہ کاتبہ تسلیم ایللری ومدت مذکورہ ختامندن صکرہ اوچ کوندہ یعنی تشرین ثانیکن دردنجی بازار ایرتسی وبشنجی صالی والتنجی چهارشنبہ کونلرنده ایکنجی محکمہ تجارتک افلاس اوطہ سنہ کلرک سنندیک افندیلر مواجہہ سندہ الہجقلری اثبات وقید وتصدیق ایتدیرملری ومدت مذکورہ ده اثبات وجود ایدہ میان الہجقلورلر حقندہ قانون مذکورک ۲۱۰ نجی مادہ سنہ توفیقاً معاملہ اولنہجنی اعلان اولنور۔

در سعادت اعمومات نظامیہ اجرا دائرہ سندہ :

جمال افندیکن با اعلام نظامی ایلیا وآرام ومضریان ومناحم ذمتلرنده محکوم بہ آلاجنی اولان مبالغ معلومہ نک تأمین استیفاسیچون مدیونلرک عہدہ تصرفلرنده اولوب محجوز وفروختی محکوم بولنان بلاطدہ حاجی عیسی محلہ سندہ قرانلق میخانہ زفاغندہ طقوز نومرولو خانہ نک اون التی سهم اعتباریلہ اون اوچ سهم حصہ سنک تاریخ اعلاندن اون بش کون صکرہ بالمزایدہ فروختہ تشبث اولنہجنی در سعادت اعلامات نظامیہ اجرا دائرہ سندن اعلان اولنور۔

فی ۱۴ تشرین اول سنہ ۱۳۱۸

فریدہ خانمک با اعلام نظامی زینب مودت خانم ذمتندہ محکوم بہ الاججی اولان مبالغک تأمین استیفاسیچون مدیونہ مومی الیہانک عہدہ سندہ بولنان لالہ لیدہ قراطاش محلہ سندہ الاجہ مسجد جادہ سندہ واقع سکنز نومرولی خانہ ده متصرفہ اولدیغنی نصف حصہ شایعہ سی علی الاصول اجرا قلنان مزایدہ علنیہ نتیجہ سندہ عثمانی لیراسی یوزغروش حسابیلہ یکریمی بیک غروش بدل ایلہ طالبی عہدہ سندہ تقرر ایدرک موقتاً قرار دادہ سی کشیدہ قلنمش اولدیغندن یوزدہ بش ضم ایلہ مذکور نصف خانہ یہ طالب اولق ودها زیادہ معلومات المق استیانلرک یوزدہ اون پی اچہ لریلہ برابر تاریخ اعلاندن اعتباراً اوتوز برکونہ دکن در سعادت اعلامات نظامیہ اجرا دائرہ سنہ مراجعت ایللری اعلان اولنور۔

فی ۱۴ تشرین اول سنہ ۱۳۱۸